

卹園全書

石林燕語辨

光緒戊申夏中伏
葉氏觀古堂校刊

石林燕語辨十卷

傳鈔本宋汪應辰撰按葉少蘊石林燕語十卷所記朝章國故官制科目當時已重其書後人亦多引用間有記憶失眞攷據不詳者是以宋時有汪聖錫作辨宇文卷臣作考異以糾之 四庫館開時館臣未得汪書提要止云汪辨不甚傳僅儒學警悟間引數條與宇文考異並散見永樂大典中應將考異散入本條之下而以汪辨寥寥無幾無可裒集置之後仁和胡珽心耘在京師詣清秘堂親檢大典一萬四千八百卷悟字韻中鈔得汪氏辨目二百有二條歸與葉廷琯調生撰集辨一書初擺印於琳瑯秘室叢書第五集後又於印本覆校

加數十籤

荃孫

見於周荇農師處曾假錄副本將各籤

編入間有管見亦附入焉光緒壬辰宗室伯義祭酒購

得明鈔儒學警悟全編則汪辨十卷在焉

荃孫

又錄得

再勘全書二百有二條與大典目合以大典未見之書
一旦復出令人稱快惟卷一辨禮賢宅辨昭考當作昭
孝辨母后加謚四字辨宣仁太后受冊辨皇考兩統二
父之說卷二辨三公孤卿大夫異同辨集賢學士除待
制沿革辨馮元魯宗道爲講讀官辨宣政殿奏事卷三
辨淳化中所藏法帖及刻板辨職事官差除辨韓維爲
翰林學士辨尙書中書沿革辨本朝歷與契丹歷差一
日卷四辨曾宣靖修英宗實錄不當辨現任官應舉賜

第辨翰林侍讀學士講讀學士卷五辨眞宗批楊文公
謝表辨有官人應舉辨進士特取一百九人辨致仕官
俸給辨御史端公辨御史裏行辨元祐初哲宗納后卷
六辨馬齒辨服制辨三司使權亞宰相辨張仲甯坐贓
免杖黥流嶺外辨宰相除觀文大學士辨除宰相有誥
命勅辨開府位三公上卷七辨宰相除授兼職亦須用
麻辨邵與宗詔試秘閣辨成都帥例不許將家屬及以
待制知成都辨王沂公召試館職辨錢希白兄草弟麻
韓維曾子宣弟草兄制卷八辨王文公答王魏公書辨
李文言省試黜落有司奏乞取之廷試遂爲第一辨天
章置侍講自賈文元始辨范忠宣自知慶州至拜相纔

百餘日辨蔡君謨賈青進建州龍團茶卷九辨賢良對策自董仲舒始辨蘇子瞻爲秋燕致語譏在喪用樂辨歐陽永叔趙叔平罷政除觀文殿學士辨司馬溫公與呂申公辭知制誥卷十辨蘇子瞻草呂微仲麻共四十三條與考異同所不同者只九條耳卷臣通判劍州時卽聖錫所薦賓僚晉接互相切磋何以二書輾轉相合豈鈔錄者有訛誤耶館臣以汪辨寥寥無幾難以成編而考異尙可裒集今汪辨二百二條全書俱存而考異不同於辨者僅止九條亦云異矣然得見陳振孫未收大典未采之書可不謂之幸事耶儒學警悟書共七種此書次爲第七餘六種如賓退錄之類世有傳書獨此

已成孤帙幸伯義祭酒慨借得以傳出久欲付梓今

煥彬吏部刊於石林燕語之後

荃孫

謹書始末而歸之

儒學警悟太學俞鼎臣同上舍兄經編壬戌三月南劍
州通判俞聞中夢達所刻前壬戌爲嘉泰二年後壬戌
爲景定三年似是景定然百川學海前人攷爲咸淳癸
酉則此書先彼十年是真叢書之祖矣

石林燕語序

懷玉汪

應辰

聖錫辯正

宣和五年余旣卜別館於卞山之石林谷稍遠城市不復更交世事故人親戚時時相過周旋嵒巖之下無與爲娛縱談所及故實舊聞或古今嘉言善行皆少日所傳於長老名流及出入中朝身所踐更者下至田夫野老之言與夫滑稽諧謔之辭時以抵掌一笑窮谷無事偶遇筆札隨輒書之建炎二年避亂縉雲歸兵火蕩析之餘井閭湮廢前日之客死亡轉徙略相半而余亦老矣荐罹變故志意銷隳平昔所見聞日以廢亡因令棟更裒輯爲十卷以石林燕語名之其言先後本無倫次不復更整齊孔子論虞仲夷逸曰隱居放言而公明賈論公叔文子曰夫子時然

後言人不厭其言子曰然夫言不言吾何敢議抑謂初無意於言而言則雖未免有言以余爲未嘗言可也八月望日石林山人序

此序則建炎二年八月而第二卷記紹興六年事似後來逐漸增益

此書數集分作甲乙丙丁四部卷帙若干迺待制

閣學 俞公所受以歆天下之學者聞中敬爲刻梓廣喻此意使士人知所宗師而不負所學皆公之化也實公之惠也蓋公文章大手學問長頭名登

天府之優士寘從官之右循良之政藹著能聞凡沐薰陶之賜者不知其幾人吁是書一傳孰不快爭先

之觀壬戌三月初有七日承議郎前劍州通判俞聞
中夢達刊之於家塾

石林燕語辨卷第一

汪聖錫

一辨元憲當作元獻

元憲當作元獻

二辨賜禮賢宅

禮賢宅在京城南錢俶入覲 太祖以此館之至 太宗初俶納土始賜焉非俶先請覲卽賜也

錢思公與諸弟乞歸之有司非思公獨請也

三辨禁中曰省中改詔書爲制書及待制與待詔不同

旣云凡王宮卽是諸王矣伏儼引蔡邕說省中本爲禁中門閣有禁非侍御之臣不得妄入行道豹尾中亦爲禁中避元后父名故曰省中不聞諸王宮皆曰禁中也漢制度

云帝之下書有四一曰策書二曰制書三曰詔書四曰戒
敕此云天子之命通稱詔非也唐永徽中命弘文館學士
一人日待制于武德殿西門則待制之名非始于肅代以
後也明皇置翰林院延文章之士至數術之士皆處之謂
之待詔卽待詔之名初不改也

德宗初卽位詔六品以上清望官日二人待制後又置待
詔官三十人以此見待制詔不同

四辨昭考當作昭孝

昭考當作昭孝

五辨婦人何不跪拜

漢書周昌傳呂后見昌爲跪謝周宣帝詔命婦皆執笏其

拜宗廟及天臺皆俛伏則其時婦人已不跪矣故時明肅
后謁太廟非郊祀也宋子京謁廟賦云增蔽旒於法冕加
縟采於褱衣皆宸心之參定貫前辟之未思九拜有稽首
有頓首非皆不跪也不跪雖有之蓋拜之輕者爾

六辨母后加諡四字

詔云今以四字爲諡大懼未足形容萬一始循故事而已
宜以四字定諡始當作姑

七辨范質王溥罷相薨年異同

范質王溥相 太祖皆四年質罷相是年薨年五十四溥
罷十九年薨年六十一此所書年皆非也史稱溥在相位
每公卿至必首謁其父溥朝服趨侍左右則非止罷相後

猶執子弟之禮也

八辨宣仁太后受冊之禮

按子瞻草詔云矧余涼薄常慕謙虛豈敢躬御治朝自同
先后處之無過之地乃是愛君之深內草批常慕字以下
二十六字旨意稍涉今是不免卻有昔非之議可敘述太
皇太后碩德實不及章獻不敢必依章獻御文德殿故事
宜三省改此意度進入

九辨英宗當作仁宗

英宗當作 仁宗

十辨本朝諸禮之書

開寶通禮修書官不止三人劉溫叟初不預也詔鄉貢開